

VAN ONS SUSTERS

Baie dankie vir al die nominasies vir die bestuur wat ontvang is. Die volgende susters is genomineer vir die bestuur: Salome Kruger, Brechtje Jooste, Ina Roos, Wymie du Plessis, Ineke Bakker, Magda van der Merwe, Anita Stavast, Marli Nortjé, Elsa Reinecke, Yolandé van Dyk, Alta Pretorius.

Die uittredende bestuur het dit goed gedink om almal op die bestuur te akkommodeer. Ons sal DV volgende Sondag, die 26ste Januarie, na die oggenddiens, dan net die Voorsitter verkies. Die ander portefeuljes sal binne die bestuur uitgesorteer word.

Groete Alta

DANKOFFER-BYDRAE EN KOLLEKTES SE INBETALINGS
Lidmate word daaraan herinner om u **maandelikse dankoffer-bydrae** in te betaal in die **Kerkraad se rekening**. Dui asseblief u naam, van, en wyknommer duidelik aan. **Bydraes vir die diakonie** asook die ander **spesiale kollekte**s kan inbetaal word in die **Diakonie se rekening**. Gee asb 'n duidelike verwysing by u bydraes sodat dit korrek toegewys kan word.

Besonderhede van die rekeninge word hier onder gegee.

Kerkraad: Gereformeerde Kerk Potchefstroom.

Diakonie: Diakonie GK Potchefstroom.

Susters: Susters van die Gereformeerde Kerk Potchefstroom

Bank: Potchefstroom.

HAMBURGERBRAAI

Die volgende gemeente-aand en hamburgerbraai


NOU VRYDAGAAND
24 JANUARIE 2025



Ons kuier gesellig saam vanaf 17:30 by die saal.
Vir 'n bestelling bel Pieter by die kerkkantoor

☎ 018 294 4600 of ☎ 082 923 1384

R 30 per hamburger. Worsbroodjies **R 30**



Op die Kerkwerf

Gemeenteblad van die Gereformeerde Kerk Potchefstroom

Jaargang 41, nr 2. Sondag 19 Januarie 2025

REDAKTEUR: RUDY VAN DER SPOEL 082 864 4422

rudynell@telkomsa.net

Eredienste: 09:30 en 18:00

Kantoor 018 294 4600

Orrelis: Magda Pelser-van der Merwe 079 872 2516 Koster Pieter Bouwsema 082 923 1384

E-posadres: kantoor@gkpotchefstroom.co.za

Web: www.gkpotchefstroom.co.za

Prediker: Ds Jannes van Dyk 072 224 7181

Hulprediker: Prof Callie Coetzee 082 337 7951

Diensbeurte by eredienste en Huis Eikelaan:

Ouderlinge: Wyk 1 Chris van Ryssen en Wyk 2 Klaas Wyma

Diakens: Wyk 1 vakant en Wyk 2 Frans Drijfhout

Skinkbeurt: Wyke 3 en 4. Wyksusters Frieda van der Walt en

Elsa Reinecke

Diens by Huis Eikelaan om 15:30 ds Jannes van Dyk

EREDIENSTE Albei dienste gelei deur ds Jannes van Dyk

Goeiedag broers en susters, kinders en besoekers

Oggenddiens om 9:30, aanddiens om 18:00

Eredienste ook per whatsapp

OGGEND: Die sakrament van die doop word vanoggend bedien aan **Alivia de Klerk**, dogtertjie van **Andries en Monique de Klerk**, en sussie van **Hannes**. Dit is vir ons as gemeente 'n voorreg om al die geliefdes van Alivia in ons midde vanoggend te verwelkom. Mag u saam met ons in die geloof versterk word deur die bediening van die Woord en die sakrament van die doop.

Woordbediening: Psalm 20 (AFR'20). **Fokusverse:** Psalm 20: 6
TEMA: *Ons en ons kinders moet met vreugde die vaandel van verlossing hóóg hou tot eer van God.*

Sing: Psalm 108:1; Psalm 68:1, 2, 5; Psalm 74:1, 2, 3, 15; Psalm 78:3, 4; Psalm 20:1, 2, 4, 5; Psalm 60:2, 3, 4 (melodie Psalm 18).

Sing met meelewing: Psalm 121:4.

Erediens by Huis Eikelaan (15:30)

Woordbediening: Lukas 4:16 - 44 (AFR'53).

Fokusvers: Lukas 4:42-43.

TEMA: *Hoop breek deur soos wat die koninkryk van God deurbreek.*

Sing: Psalm 146:1, 6, 8; Skrifberyming 18-6: 1, 3, 4, 5 (57).

AAND:

Woordbediening: Jesaja 42:1-8 (AFR'20).

Fokusverse: Jesaja 42:3.

Belydenis: Dordtse Leerreëls, Hoofstuk 1, paragraaf 16.

TEMA: *Uitverkorene, moet nie wanhoop in jou swakheid en gebreke nie; hoop op die geregtigheid van God.*

Sing: Psam 90: 1, 2; Psalm 147: 1, 2, 4; Psalm 102: 1, 5;

Psalm 84: 3, 4; Skrifberyming 10-2: 1.

KOLLEKTES VANOGGEND: *Diens van Barmhartigheid* in die **BLOU** sakkies en in die **ROOI** sakkies vir GKSA Sustentasiefonds

VANAAND: *Diens van Barmhartigheid (BLOU) en Kerkkas (ROOI)*

Volgende week se Spesiale kollekte is vir die Teologiese Studentekas.

LIEF EN LEED OOG VIR MEKAAR

MEEGEVOEL

Ons betuig ons innige meegvoel met broers en susters wie se geliefdes in die Here ontslaap het. Ons is saam met u ons Here dankbaar dat ons seker mag weet hulle wat vir die Here geleef het, ook vir Hom gesterf het en of ons lewe en of ons sterwe, ons behoort aan die Here.

'n Susterskind van **Rudy en Nelly van der Spoel, Anneke van der Spoel**, wat om en by twee maande gelede met kanker gediagnoseer is, is Dinsdagoggend oorlede. Die begrafnis is Dinsdag in Bloemfontein. Ons bid Rudy en Nelly en hulle geliefdes die ryke vertroosting van ons hemelse Vader toe.

VOORBIDDING

Ons doen graag voorbidding vir die volgende broers en susters en hulle geliefdes. Mag ons hemelse Vader u in sy liefde en trou vashou, dra en ook vir u uitkoms gee:

Johanna van der Merwe het die afgelope week geval en geringe beserings opgedoen. Daarby moet Johanna op 3 Februarie 'n knie-ervangingsoperasie ondergaan. Ons verseker haar en haar geliefdes van ons voorbidding vir haar.

Loffie Eloff is Maandag uit Medikliniek ontslaan. Die dokter kon toe nie die beplande diagnostiese prosedure uitvoer nie omdat die bloedverdunners wat Loffie ontvang, die prosedure bemoeilik. Hy sal nou, ná behandeling, op 22 Januarie die prosedure ondergaan.

Ons volhard ook in ons voorbidding vir **Fanie Jooste** wat nog wag op magtiging en om te hoor wanneer hy die dreineringsbuis sal ontvang om die hoëdruk hidrosefalus te behandel.

Toe die afkondigings voorberei is, was **Theo en Magda van der Merwe** onderweg na die ooginstituut waar Magda 'n noodafspraak gehad het. Ons doen ook graag vir Magda voorbidding.

DANKBAARHEID

Ons deel in die dankbaarheid en deel in die vreugde van ons broers en susters en ook in die dankbaarheid van hulle en hulle geliefdes vir wie daar deur ons Here se genade uitkoms gekom het.

Ons is dankbaar saam met **Nelis en Dina Coetsee** 061 5863 3904 vir die Here se genade nádat Nelis die uitslae van die skandering wat hy onlangs ondergaan het, vanaf die kardioloog ontvang het. Daar is geen opvolg of verdere behandeling nou nodig nie.

VOORSPOEDIGE REIS / WELKOM TERUG

Van ons broers en susters gaan vir korter of langer periodes met reis of met vakansie – ook na die buiteland. Mag ons hemelse Vader u voet op die reispad behoed en u beskerm en veilig na ons terug bring.

HUWELIKSHERDENKINGS

Ons deel in die vreugde en dankbaarheid van ons broers en susters wat in Januarie 2025 hulle huweliks-herdenkings vier. Mag ons Here u steeds met sy genade vervul en gee dat u in alle godsaligheid en liefde saam verbind lank en heilig mag lewe (huweliksformulier)!

Dag	Datum	Naam & van
Sa	25/01	Peet en Elsie Buys (66 jaar) 082 717 7738

VERJAARDAE GEDURENDE DIE WEEK

Baie geluk aan die lidmate wat DV gedurende hierdie week hulle verjaardag vier! Saam met u dank ons die Here vir Sy groot genade en bid ons dat Hy u ook in die nuwe lewensjaar ryklik sal seën tot die eer van sy Naam!

Dag	Datum	Naam en van
Do	23/01	Lettie Vorster (83)
Vr	24/01	Netta Schutte Wyk 3

ALGEMENE AFKONDIGINGS

DAGBOEK

Dag	Datum	Tyd	Aktiwiteit	Vergaderplek
Siekebesoek, pastorale besoeke en huisbesoeke volgens afspraak				
So	19/01	10:30	Katkisasie opening	Kerkgebou
		15:30	Erediens: Huis Eikelaan (ds Jannes)	Kapél
Di	21/01	15:00	Bybelstudie: Huis Eikelaan	Rooi sitkamer
Wo	22/01	18:00	Bybelstudie	Konsistorie
Do	23/01	18:30	Beplynningskommissie	Konsistorie
Vr	24/01	17:30	GEMEENTE-AAND EN HAMBURGERBRAAI	Kerkterrein
Di	28/01	08:00	Agendastukke vir kerkraadsvergadering	Kerkkantoor
Wo	29/01	18:00	Finansiële kommissie Begrotingsvergadering	Konsistorie

KATKISASIE	Sondag 19 Januarie	Sondag 26 Januarie
Lesrooster: Psalmvers: Heidelbergse Kategismus: Memoriseerwerk (Gr. 1-2)	Opening ná die Erediens in die kerkgebou	Les 1 Psalm 38: 17 Sondag 1 Onse Vader, aanhef
Hoërskoolkatkisasie		Les 1

BYBELSTUDIES

Die Bybelstudiegeleentede hervat weer hierdie week:

Dinsdag om 15:00 by Huis Eikelaan in die Rooi Sitkamer.

Woensdag om 18:00 in die konsistorie.

Almal is by beide hierdie geleentede hartlik welkom.

WAT VAN 'N KOPPIE TEE OF KOFFIE VIR DIE GESELLIGHEID?

Die Susters van wyke 3 en 4 nooi almal uit om na die erediens 'n koppie tee of koffie in die kerksaal te kom geniet



FONDSINSAMELING

Die vergadering van die kerkraad met diakens het met hulle vergadering in November die groen lig gegee dat 'n deurlopende fondsinsamelingsprojek van stapel gestuur word. Vir 'n afskop en as 'n proeflopie wil ons graag op die eerste Woensdag (Woekerwoensdag) van Februarie 'n klompie ribburgers maak en verkoop @ R35 per burger. Om hiervan 'n sukses te maak, maak ons staat op die vrywillige ondersteuning van lidmate:

+ Die neem van bestellings by bure, familie en vriende vir ribburgers as 'n middagete is op hierdie stadium die grootste prioriteit.

+ Daarna, as ons weet hoeveel van wat benodig word, sal ons die vrymoedigheid neem om verdere bydraes te vra en ook broers en susters wat op Woensdagoggend 5 Februarie kan help met die braai en burgerbou.

+ Voorlopig kan bestellings per WhatsApp deurgegee word na ds. Jannes 072 224 7181 of Yolandé 084 597 8903.

Begin die boodskap asseblief met RIBBURGER as sleutelwoord.

Ons beplan om vir Woensdag 5 Februarie 'n klompie ribburgers te maak @ R 35 per burger.

U is welkom om u bestelling deur te gee aan Yolandé 084 597 8903 of aan Jannes 072 224 7181.

Ondersteun asseblief die projek deur waar u woon en werk en leef bestellings te neem - dit word baie waardeer!

